

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Illvstrivm Virorum Epistolae, Hebraicae, Graecae et Latinae, Ad Ioannem Reuchlin Phorcensem virum nostra aetate doctissimum diuersis temporibus missae**

**Reuchlin, Johannes**

**Hagenoae, 1519**

Henricus Bebelius Iustingensis, Ioanni Reuchlin Phorcensi LL doctori S. D.  
P.

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

EPIS. ILLVST. VIRORVM AD

quolibet horum animaliu caudam habere uel albam uel acutam,  
non solum Aquilæ genus. Vale.

Henricus Bebelius Iustingensis, Ioanni Reuchlin  
Phorcenfi LL doctori. S.D.P.

**C**VM ea de te fama sit apud omnes Germaniæ bonarum arti-  
um studiosos uir humanissime idemq; doctissime, ut te co-  
lant ament & uenerentur quasi aliquod numen a superis in  
hanc terrarum calamitatem elapsum. Nec iniuria dixerim numen  
quid enim rarius apud uitalem auram spirantes hac tempestate q̄  
uirum adesse in nostra præsertim Germania, sicut tu es, qui & calle  
at græcam linguam, cui latinus sermo tanquam natiuus famule-  
tur, & cui nostro auo in hebræo calamo aliquem nō solum christi  
colam, sed ne dum iudæum & apellam antepone re quis sine uerecū  
dia queat. Quid commemorem Teutonas solum? cum id ne qui-  
dem Galli uel latini sermonis principes Itali assequi uisi sunt. Vel  
si qui id assecuti sint coruis albis rariores sint, cum paucissimi etiam  
priscorum id attigisse legatur. Legimus inter christicolas Ausonia  
linguæ principem sanctissimum Hieronymum plenariam habu-  
isse scientiam harum trium principalium linguarum. Post eum uel  
non fuerunt, uel ad meam cognitionem nō deuenere. Sed illis omif-  
sis cum tuus honos & fama ad cunctorum studiosorum aures deue-  
nerit, & te tam egregie doctum sensissem, uolui tibi meos iuueniles  
ardores dicare, ea conditione ut ex innata tua mansuetudine & ob  
honorem omnium politoris studii alumnorum, si quid mendæ in  
ueneris in meis carminibus, tua lima & præclarissima uena ingenii  
id emendare, & me in tuorum saltem famulorum ordinem recipere  
digneris, nihil enim ultra expetere uelim nisi tuum fauorem. Ut  
si quid in meam rem efficere queas, ad id te impigram reddere nō  
erubeas. Si hoc ut spero feceris, de me poteris tibi polliceri dum ui-  
ta mihi comes fuerit, semper honos nomenq; tuum laudeseq; mane-  
bunt apud me, & omnes qui saltem meam musulā non erunt asper-  
nati. Scripsi etiam ad illustrem principem Eberardum, sed heu fa-  
torum immutabili serie ablatum ad superos, ad omniū Minerua  
insignium perniciem & incommodum, sed de his in aliud tempus  
Vale Germaniæ decus, & me in sinu tuæ mansuetudinis foueas. Ite-  
rum uale, Anno. M. CCCC. XCVL

IO. REUCHLIN. LIBER PRIMVS

Henrici Bebelii Sapphicon ad eundem Ioan  
nem Reuchlin.

Cagnion magnum specimen Sueuis  
Te parens rerum uoluit nitere  
Ante mortales, uelut ante Phœbus  
Sydera splendent.

Optimis fulges superum fauore  
Dotibus sane ingeniis uigentis  
Ipse natura ut uideare cunctas  
Nosse camœnas

Seu uelis græcas latias ue musas  
Aut hebræorum tonitasse scripta  
Optime calles nitidus per orbis  
Climata uasti.

Seu profam quæras modularis apte  
Verba non certis numeris canenda  
Verba diuini Ciceronis arma  
Faris amœnæ.

Si cupis sanctos latices adire  
Castali fontis Clarii ue uatis  
Serta daphnea emeruisse possis  
Tempora circum.

Seu lubet regum celebres triumphos  
Atq; captiui exuuias cruentas  
Pangis ut uatis tuba Mantuani  
Bellica uerba.

Seu lubet focco aut Sophoclis cothurno  
Optime certas, tenui ue plectro  
Pindari & Sapphus fidibus canoris  
Carmina scribis.

Flebilis seu uis elegos misellos  
Et puellarum calidos amores  
Lydiæ quondam resonas calentes  
Pectoris ignes.

Pluribus quid te memorem peritum?  
Quem nihil iuris latuit sacrati

EPIS. ILLVST. VIRORVM AD

Casaris leges memori retentas  
Pectore doctus.

Ardua & magna moderaris arte  
Principum paucis adeunda facta  
Dona uirtutis tribuit benigni  
Syderis astrum.

Vltimo crassas placidis ocellis  
Vt soles, nostras foueas camœnas  
Sufficit nobis heliconis amnis  
Pauca ripa.

Et rudi plectro teneris sub annis  
Collibet sacras aditare musas  
Incitor fato ex adytis & imis  
Numine Phœbi:

Henrici Bebelii Elegia ad eundem Ioannem Reuchlin  
Phorcensem LL.doctorem.

Miraris si forte tuus accedet ocellos  
Mufula nostra rudis, uisere nisa diem  
Nyctimene ueluti tenebras si forte perosa  
Egreditur specubus non bene lucis amans.  
Fit sonitus uolucrum, nam circum penniger ales  
Deuolitat, clamor sydera pulsat iners.  
Quisq; nocere parat, nunc hoc nunc capitur illo  
Omnis enim miseræ est insidiosus aui.  
Sic mea arundo pauet tenui subnixa pudore  
Ventosi critici triste supercilium.  
Quæ prius in lucem nunquam procedere uisa  
Non æquam trutinam rite subire timet.  
Tam quid enim sanctum? diuino uel Ioue dignum  
Quod non liuor edax dente nigrante petit,  
Te tutore tamen superas gradietur in auras  
Et si sit timor huic nomen in ore tuum  
Castalides dudum nostra regione fugatæ  
Exilium miseræ sustinuere deæ,  
Et queritur quisquis diuina Palladis arte  
Candidus Aonium continuïsse nemos.

IO. REUCHLIN. LIBER PRIMVS

Credo equidem uerum non alite fallor inani  
 Pierides nostris ædibus isse procul.  
 Flumina Pegafidum sumnio demersa profundo  
 Tam libuit Sueuis temnere dona deum.  
 Ni fueris pridem nostrum delapsus in æuum  
 Musarum donis inuigilasse uolens.  
 Colligis & condis flauus quæ dictat Apollo  
 Dignus es a sera posteritate coli.  
 Nam tibi grandiloquis maior facundia rebus  
 Ingenioq; tuo flumina larga colunt.  
 Carminibus Geticum uatem potes Orphea doctus  
 Vincere, & Iliados nobile cedit opus.  
 Qui legis historias gentis monumenta uetustæ  
 Quas condis proprias postera turba leget.  
 Quicquid tum demum docuit recutitus Apella  
 Hebræo calamo noscere cura fuit.  
 Literulas graias quo non edoctior alter  
 Germanus, latias doctus ubiq; tenes.  
 Sic tua fama potest geminum penetrare cubile  
 Solis & arctos tum calidosq; Lybas.  
 Atq; tuum nomen poterit neq; longa uetustas  
 Perdere, dum mundo Phœbe corusce micæ.  
 Ergo sinu placido foueas pater optime uatum  
 Rustica distabit quicquid auena tibi.  
 Atq; tuos inter famulos numerarier opto  
 Ut nos erudiat docta Minerua tua.  
 Henricus Bebelius Iustingensis polioribus literis præfectus  
 in Gymnasio Tubingensi S.D.P. Ioanni Reuchlin  
 Phorcensi legum, poetices, omnisq; literaturæ  
 uiro consultissimo, atq; antistiti præ  
 ceptori suo.

**E**T si parum tibi sum cognitus uir eruditissime, nec ulla extant  
 merita, ppter quæ iure quicq; a te efflagitare possim, nõ tñ tem  
 perabo mihi quin audacter tuæ eruditionis iudiciũ requiram,  
 animatus uel hoc uno, qd sciam te liberalium disciplinarum studi  
 is expolitissimũ. Vnde tanq; ex fonte uberrimo mãsuetudinem cæ